

三卷山銘錄

無名氏撰

卷之三



道傳公像

獨秀峰下新建兩級師範校舍辛亥元旦遷入種樹掘井
兩校初并氣象一新移花植木及開春成材自是頃他日
且種吳根待後人

雙柏盆牛勢盤踞移根入地綿雲峯他年董色三千尺
永作夔龍立校門

掘井掘井已得水泉汨汨未吾去矣願泉常甘吾勿喜
人飲我飲同一旨（余奉令去守涪州）

獨秀峰

秦皇鞭石驅鬼二夜移天柱
博龍宮鞭玉桂林天忽
回石止化作獨秀峰

三百餘年階上碧梯青天莽莽白雲低
允宮明燭音
無處二水南流夕照西

天際烏雲舍雨重樓前
紅日懸山明嵩陽居士今
何王青眼看人万里情

辛未年秋一日

墨迹堂主道傳公中堂墨跡

舍南舍北皆春水

其言先賢學政

山鳥山花吾友于

梅坡先生集卷之四

道傳公楹聯墨跡

刊行前言

先父廖道傳字叔度，廣東梅縣人。自幼聰穎好學，光緒乙未（一八九五年）入州學。己亥（一八九九年）歲試第一名，旋選送廣州廣雅書院讀書。壬寅（一九〇二年）清廷創辦京師大學堂，翌年春，先父經廣東督撫保送入大學堂肄業；是夏，應順天鄉試中是科舉人。丁未（一九〇七年）春，先父京師大學堂首屆第一名畢業；同年四月奉清廷學部（教育部）命赴日本考察政學各務；七月奉廣西提學使電聘赴桂林任廣西優級師範學堂監督（即校長），為時五年，興學育才，不敢怠慢。民國初年，當局改委先父為廣西地方官員，歷任潯州、武鳴兩郡知府，政聲卓著。民國二年至六年（一九一三—一九一七年）任國立廣東高等師範學校校長（即中山大學前身），以誠樸勤愛勇為校訓，實施人格感化教育。先父長兩粵師範學堂前後歷時十年，兢兢業業辦教育，多所建樹。民國六年（一九一七年），先父以忠誠教育，成績卓著，兩獲四等嘉禾勳章。同年春，先父奉命再赴日本考察師範教育狀況，寫成考察報告萬言書，對於刷新我國師範教育，多所倡議。民國十三年（一九二四年），為使韓江流域及粵贛邊數十縣之中學畢業生有志繼續深造者成為高級人才，先父與梅縣鄉賢倡議開辦嘉應大學，因時局動亂，經費無著，開學僅兩年而停辦。先父學宗孔孟，民國十五年（一九二六年），在廣東全省教育促進會議上，力主在學習西方先進學術的同時，還必須繼承和發揚中國固有之優秀文化傳統，並提

倡普及傳統道德教育。有關先父生平行事，為學從政事跡，詳見年譜。

先父公事餘暇，常手不離卷或著述詩文，每至夜深。晚年戎幕，職事多暇，更勤於治詩以自娛。著有三香山館詩文集及雜著等篇什，凡百卷有奇。

民國十年（一九二一年），經先父親自編訂三香山館詩集計九卷，自京師集至平樂集。其後，從本年開始之詩作改編年成集，由兒女輩陸續抄寫匯訂，自辛酉集至辛未集，計十一卷。三香山館詩集二十卷，詩作共一千四百餘首。

先父在時，詩作有印單行冊子的，有散刊報章雜誌的，數量也不超過半數。先父去世後，國家外侮加劇，內患頻仍。先母憂傷辭世，兄弟姊妹困頓顛沛，星散西東。先父的詩文遺稿歷遭浩劫，亦多已散失，遑論出版。二十多年來，得親友協助，幾經搜集，二十卷詩作幸得完璧。今距先父去世已七十餘年，三香山館詩集始得刊行，聊慰先父於九泉。華揚等既喜亦悲，天乎！

廖華揚一九九九年十一月十五日

寫於美國洛杉磯寓所

三香山館詩集總目

卷首

道傳公像

道傳公詩稿墨跡

道傳公中堂墨跡

道傳公楹聯墨跡

刊行前言

卷一

京師集

卷二

桂林集

卷三

七

一

一

潯州集

.....

一五

卷四

武鳴集

.....

二三

卷五

尊思集

.....

四五

卷六

國學集

.....

五三

卷七

軍府集

.....

七五

卷八

金碧集

.....

八七

卷九

平樂集

.....

一一九

卷十

辛酉集

.....

一三五

卷十一

壬戌集		一四一
卷十二		
癸亥集		一六一
卷十三		
甲子集		一七七
卷十四		
乙丑集		一八三
卷十五		
丙寅集		一九九
卷十六		
丁卯集		二二七
卷十七		
戊辰集		二五三
卷十八		
己巳集		二八五
卷十九		

庚午集	三〇九
-----	-----

卷二十

辛未集	三二一
-----	-----

附錄一

先府君叔度公年譜	三二五
----------	-----

附錄二

嘉應廖位三先生傳	三五七
----------	-----

第一次中國教育年鑑·教育先進傳畧·廖道傳傳畧	三五九
------------------------	-----

與黃公度京卿書	三六一
---------	-----

校刊後記	三六三
------	-----

三香山館詩集卷一

京師集

癸卯迄
丁未

燕京秋感

西風羈客感華年，度世金丹欲學仙。塞北黃沙沈鼓角，天南蛋雨撼烽煙。中原大獵悲秦鹿，橋畔先機悟宋鵲。獨上燕臺弔秋色，胡笳吹淚月華圓。

畢參暈月海翻塵，天帝沈沈亦醉昏。座上神師供走卒，宵中荊棘竄王孫。覺開馬邑寧胡罪？賦到江南斷國魂。蜀道歸來西內冷，梧桐秋雨恨難論。

百二山河掃地羞，破舟斷楫縱狂流。龍泉剗雪忠臣盡，驢背眠雲老將休。棘裏銅駝吟暮雨，殿門金狄淚秋愁。恒沙無量冤禽語，何事甘陵黨獄鉤？

何日能歸鄆闌田，豆分瓜剖總堪憐。長安宮殿成烽後，公主琵琶出塞年。胡馬東來空苜蓿，傳車南下括緡錢。玉塵萬斛渾閒事，縱博霜林橘裏仙。

獨對煤山秋氣悲，官儀虛憶中興期。誰言平勃能安漢？豈有桓文克戴姬？翡翠明珠

充內帑，鸞笙鳳管奏青詞。京華冠蓋依然滿，萬里金風震鐸聲。

秋陰殺氣滿陪京，劍躍西風意不平。一自涼州捐鄧隲，至今冒頓逼長城。白山空憶興王業，青海驚傳射鎗聲。擬乞習流兵十萬，樓船東下斬長鯨。

欲為諸生種善因，依然劫海此沈淪。鸚鵡鵬翼三千里，魔妬金仙丈六身。幾輩寶書窮百國，多年童女滿三神。君房去後虬髯遁，浩蕩滄波幾望津。

落日胡塵起馬蹄，黃沙衰草莽淒淒。醉歌燕市天應裂，怒捲胥濤海欲西。四野魚龍吟寂寞，九邊風雪路離迷。關河萬里鄉書滯，怕聽南飛塞雁啼。

薄遊瀛海途次檳榔嶼，因探險至吡叻，憑今弔昔，慨然成詠

泱泱羣蠻區，膏壤膺千里。春風海南來，百果實芳美。神州通廣莫，天竺接尺咫。邇來礦事興，十丈洞泉底。巨木亘百圍，斷槎認鋸齒。詢之礦人云然。懸憶千載前，瓌

麗盛都市。即今馬來由，土種稀殘蕊。黑童染齒牙，蠻婦穿鼻耳。有時深林出，駭愕羅剎鬼。況聞古磁盤，歲月嘉靖紀。有人掘山洞得巨盤，刻嘉靖字。想當鄭和後，華胄接

衽趾。惜無張虬髯，磨劍扶餘水。英夷鑿混沌，焚烈卅年始。駟儉規卅疆，鼓鑄竭地髓。千椰萬檳榔，富可封君比。妝裹閒州府，女子衣直襟，以幅布為裳，番語謂之沙郎，此名曰州

府妝。語文猶唐旨。省郡會館盟，族姓柱賴倚。呼同姓為柱賴，又以各姓之望出同郡者為半柱賴，或乃

不通婚媾。豈曰黃帝孫，竟昧團體理。吁嗟南洋島，藍氍朱明啟。殖衆戰羣蠻，歷史良瑰詭。鄭吳大偉人，羅葉奇男子。西海巨鵬來，攫吞恣利嘴。商力固耗綿，兵甲復往靡。英雄鬱國魂，用武苦無恃。祖國不足賴，千載一長噫。鄭明，潮州人，乾隆中王運羅。吳元盛亦粵人，乾隆末王娶羅洲之戴燕。羅大，嘉應人，王娶羅洲之昆甸，亦乾嘉間人。葉來，嘉應人，新架坡檳榔嶼等地，皆彼等自土蠻者也。

嘻嗟開壯徒，老商為我語。饑驅遠涉洋，骨肉淚如雨。或有逼誘行，奇貨居奸賈。驅撻下輪航，毒浪喻空舞。幸免飽饑龍，萬死抵處所。一人奴隸圈，服輓如牛馬。巴勒體不裳，阿答屋無瓦。湖濱處謂之巴勒。阿答，樹名，用其葉葺屋，因名。深巖蛇蚓攢，陷穿梯繩下。瀟深豕負塗，石裂螳膏斧。就中權利優，日博金三五。豈解壓婦裝，益以吞漏脯。朝朝飲洋樓，昔昔眠花塢。纔弛負擔艱，即喝樗蒲賭。鄰戚猜存沒，淚眼枯妻母。無語傳平安，況望寄阿堵。邇來地資竭，纔取充饑肚。流離兼厲瘟，槁死委原鹵。來者千萬人，還無百十數。嗟爾輕命軀，成彼富翁主。田池卓鄭埒，勳爵卜桑伍。芳園縱射游，金屋藏笙鼓。一將自功成，寧知萬骨腐？誰職棄民咎？當道徧豺虎。

朝遊道君寮，在吡叻北，最幽勝。山麓豁峪呀。後貌怒決口，石筍森排牙。陰洞互交通，繚繞如蜂衙。清泉石罅泌，萬竅流瓊霞。出門望巖頂，飛鳥絕層嵯。半空垂石脚，

勢若古榕擎。旁洞更邃黑，鬼門羅兇叉。拊掌發孤嘯，響應萬鉦撾。道人前致詞：舊日龍王家。海水日磋切，石窟成窿窪。今觀巖壁上，波紋凝縠紗。天然渾雕刻，絕異鎚鑿加。我思大塊始，大海浮粒槎。火水演石殼，泥滓幻離華。更有珊瑚類，小蟲海底芽。層構出水面，枯硬如鍊媧。南洋百千島，半屬蟲巢窩。地質家云是，理遽言非誇。吡叻一拳土，將毋此同科。朝為蛟蜃宅，暮見飛塵沙。天地尚如此，人事安足嗟。

檳嶼華商倡建學校喜而有作

南洋通華胄，漢唐溯邈綿。史鄭繼鑿空，采伐振長鞭。樓船貫赤道，拜肅羅羣番。表進金葉字，御封鎮國山。惜哉陋君相，綏遠靳金錢。不聞漢西域，都護置窮邊？神皋棄外府，大錯海可填。痛心我學子，蟬蠹僵殘篇。不能哥侖布，探險窮地圓。不能馬才冷，宣教喂黑蠻。保守遺劣性，思之汗湧泉。坐使周孔席，劃斷東南天。迂論況禁海，良賈足不前。蠢茲亡命徒，島國通戴淵。一丁不印腦，寧紬愛國詮？團體昧羣力，自立放天權。英夷縣身毒，傳績肇一塵。彼豈曾夢見，馬來由比肩。紅夷與西葡，接踵垂饒涎。遂拔漢赤幟，卧榻恣鼾眠。黃種墜奴籍，吁嗟四百年。自從鴉片役，緬越琉朝鮮。祖國日蹙削，巢破子豈完？悼我海外僑，益禁牛馬圈。

豈無買人子，肆彼蟹行篇。陶冶奴隸格，胡語聒便便。普通未問途，矧叩法理玄？徒使噬骨肉，虎俵資腥膻。我游苦海上，對此涕淚漣。恨無億萬筏，度之出迷瀾。茲島實瓊麗，豪賈羅駢闐。悲願圖興學，人天盡歡顏。況乃獅子吼，偈破羣石頑。聞主動者南海先生。此舉大智慧，靈爽憑黃軒。教育之鵠的，中外情微懸。內者歐化亟，外者國粹先。海商習媚外，道在救所偏。日繫此愛攝，行衛循軌躔。衆生此愛攝，生滅演大千。人不合羣力，木石傲猶賢。商羣力始大，工羣藝益研。愛國愛同種，妙諦經傳鑄。不見武士魂，扶桑朝暾殷。宣尼乘桴至，海若駭歌弦。吾道庶其南，堂堂黃孔旃。

輓黃公度京卿

亞陸漫兵氣，乾坤失霸才。山河國破後，黨網網開纔。聖主恩非薄，蛾眉詠可哀。墓門飛大鳥，空憶棟梁材。冊載文明人，唯公鑿禹源。思潮歐海水，史筆大和魂。有血灑亡種，無人省罪言。至今西域士，流涕道張騫。琉球之案，朝鮮開港，及蘇杭開租界，先生皆力持強硬手段，惜政府不用也。其任

舊金山領事時，於美禁華工事對付尤力云。

百日乾坤變，三湘事業空。魔爭諸佛妬，天鑒逐臣忠。生死各行志，山河壯幾公。

國魂蘇續日，遺像鑄青銅。

信美東山色，東山在嘉應城東，先生家焉。

龍眠七載餘。哀時寄風雅，披髮辱樵漁。聞先生喜短

衣楚製，獨行山野間。

黃禍聲方烈，蒼生望竟虛。夕陽人境外，千古此精廬。

尺書一萬里，肝膽九原期。

以我鮮民淚，重為天下悲。龍蛇傷在已，儒雅恨無師。

泡影觀如是，茫茫末劫思。

猶憶先生及溫燕柳太史，皆與先君同歲補博士弟子。太史熱心新界，前先生一月卒，

而僕憂居三年矣。感此益滋然耳。

校案

本卷四題十七首，為作者在京師大學堂肄業時作，自署嘉應健生，均錄入梁啟超飲冰室詩話。燕

京秋感，原題燕京秋感次友人東莞生韵，飲冰室詩話評云：「與東莞生原作工力悉敵，可稱雙絕。」今

所刊為家藏之作者修改稿。薄遊三章，檳嶼一章，飲冰室詩話評云：「嘉應健生之五古略肖人境廬，豈

有淵源耶？」「四詩風格之高不待言，其述南洋歷史現狀及救治之法，語語皆獨到，直可稱有關係之一

論文也。」